



9/2007

ЗАҢ

РЕСПУБЛИКАЛЫҚ ҚҰҚЫҚТЫҚ, ФЫЛЫМИ-ПРАКТИКАЛЫҚ ЖУРНАЛ



Сыбайлас жемқорлық –
қоғам дерті

Алмас АХМЕТЖАНОВ

(15-бет)

“Мұнай бізге дос та,
жау да тауып береді”

Айман СЕЙІЛБЕКҚЫЗЫ

(16-бет)

Қылмысты саралаудағы
қасақаналықтың маңызы

А. МАЛИКОВА

(26-бет)

I Дарий патша және ол қалдырған дереккөздері

Досбол Байгунаков

Абай атындағы ҚазҰПУ

аға оқытушысы,

тарих ғылымдарының кандидаты

Мемлекетті басқару ісінде нәтижелі әкімшілік-құқықтық реформалар жүргізген көне дәуірдегі аса ірі қайраткерлер мен қолбасшылардың бірі парсылық I Дарий (Дариуш, Дарайаваш) есімі туралы ерте темір дәуірінің саяси мәселелерін қарастырған шетелдік тарихи әдебиеттерде біршама айтылып жүргенімен, отандық тарихнамада ол жайында арнағы жазылған еңбектер жоқтың қасы. Отан тарихы үшін көне Персияның билеушісі I Дарий патша тасқа қашатып қалдырған бірқатар дерек көздерінің маңызы зор, олар сак заманындағы біршама мәліметтерді анықтауға әрі нақтылауға мол мүмкіндік береді. Сол себепті де, ахемендік әулеттен шыққан بۇل патшаның жеке тұлғасы мен оның әскери, әкімшілік-құқықтық реформалары және де артына қалдырған сына жазбалары жайында сөз қозғау қажеттілігі, тарихнамалық талдау жасау керектігі күн санап артып келеді.

Ғылыми әдебиеттерде патшаның туған жылы айтылмайды, оны авторлар б.з.б. 486 ж. қайтыс болды деп көрсетеді. Геродот сынды тарихшы шығармасында оның билікке келгендегі жасы 28-де деп жазылады. Бұған сенсек, I Дарий патша б.з.б. 550 ж. туылған. Нақты белгілі жайттар, билікке ол б.з.б. 522 ж. келіп, өмірінің соңына дейін патшалық құрды. Патшаның өзі қалдырған тарихи мәліметтерге қарағанда, ол билікке әулетке қарсы туындаған

көтерілісті басып жаңыштағаннан кейін келген. Гаумата атты маг б.з.б. 522 ж. 2 сәуірде билікті басып алды да, өзін «Камбис патшаның бауырымын», «Кирдің ұлы Бардиямын» деп жариялады. Бардияны Камбис өлтірген болатын. Ел арасында бұған қатысты түрлі алып қашпа әңгімелер тарайды. Халықтың біраз бөлігі Гауматаны Бардия деп таниды да, оны қолдап ел іші бүлінеді. Б.з.б. 522 ж. 29 қыркүйекте I Дарий жалған патша Гауматаның көзін құртып, жоғары билікті өз қолына алды. Мұны заңдастыру үшін ол Кирдің қызы Атоссаны әйелдікке алды да, таққа деген мұрагерлігін елге паш етеді.

Мемлекеттік билікті қолға алысымен-ақ I Дарий елдегі көтерілістерді басып жаңыштауға кіріседі. Кезінде халықтың қолдауына сүйенуге үмтүлған Гаутама З жылға дейін халықты барлық алым-салықтан және әскери міндеткерліктерден босатқан болатын. Сондықтан да, жаңа патшада біраз уақыт туындаған көтерілістерді басумен айналысуға тұра келді. Таққа отыра салып I Дарий көтеріліс өрті туғанған Бабылға (Вавилонияға) жорық жасады. Мұнда жүрген кездे одан Персия, Сузиана, Лидия, Ассирия, Армения, Парфия, Маргиана, Саттагидия, Скифия елдері мен халықтары бөлініп кетеді. Бұл жерлерді қайтадан қалпына келтіріп, өзіне қосу үшін I Дарий бір жылдай уақытын жоғалтты. Б.з.б. 522 жылдың желтоқсанында патша өзіне дейін мемлекетті басқарған Кир мен Камбистің державасын қалпына келтіреді. Аз ғана уақыттың ішінде оның билігін көптеген халықтар мойыннады. Сондықтан да, I Дарий көне замандағы ұлы қолбасшылардың бірі ретінде тарихшылар тарапынан өз бағасын алған. Б.з.б. 519-512 жылдары парсылар Францияны, Македонияны және Үндістанның солтүстік-

батыс бөлгін жаулап алады. I Дарий түсында грек-парсы соғыстары (б.з.б. 500-449) басталады.

Сақтар парсылар жағында қатысқан бұл соғыстардың бірі «Марафон шайқасы» деген атпен ежелгі дүниетарихынан орын алады. Аталмыш соғыс б.з.б. 490 ж. 13 қыркүйекте әллиндердің Марафон атты елді-мекенінің жағында болған. Парсылар әллиндіктерге қарағанда үш еседей көп еді. Әллиндердің әскерін он афина стратегтерінің бірі Мильтиад, парсы армиясын (60 мындалай адам) Да-тис басқарды. Сақтар атты әскер қатарында болды. Шайқаста парсы әскери өнерімен жете таныс стратег Мильтиад атты әскерлердің өз армиясын айналып өтуін болдырмай тастанады. Ол әскерін бүкіл Марафондаласынан созып, ортадан екпіндей келген парсыларды ішке кіргізеді де, екі жақтан қыспақça алады. Нәтижесінде парсылар 6400, әллиндіктер 192 әскерінен айрылды.

I Дарий ежелгі замандағы дарынды мемлекеттік қайраткер, саясаткер және қолбасшы, сондай-ақ ірі реформатор ретінде тарихта қалды. Көне грек тарихшысы Геродот өзінің «Тарих» атты шығармасында Гаутаманы өлтіріп, қарсыластарын жеңгеннен кейін Дарийдің өз жақтастарымен мемлекеттік құрылымға қатысты айтқан пікір-сайысына тоқтап кетеді. Мәтінде патша әріптестері мен I Дарийдің мемлекет қалай дамуы тиіс деген сұрақ төнірегінде пікір алмасады. Отан (Утан) атты әріптесі демократияны, Мегабиз (Багабухш) деген жақтасы олигархияны ең мықты саяси жүйе деп дәріптейді. Ал, I Дарий болса, монархияның артықшылықтарынайтады да, оның қоғамға не үшін керек екендігін баяндап береді. Осыдан кейін патша монархиялық жолды таңдап, елде көптеген реформалар жүргізе бастайды да, мемлекетті әкімшілік-округтар – сатраптарға бөлді. Оларды жергілікті уәкіл сатрап басқарды. Сатраптар парсы шонжарларынан тағайындалды. Патша өзіне қарсы шықпасын әрі орталық биліктен алыс болсын деп парсы ақсүйектерін сатрап етіп, «көтермелей» алыс аудандарға жіберіп

отырды. Белгілі бір ақсүйек отбасын орталықтан алыстату үшін тіпті сатраптықты мұрагерлік жолмен қалдырып та отырды. Сатраптың жаңындағы әскер басшысы тек патшаға ғана бағынды. Бұл шара өз кезегінде билік пен әскери күштің сатрап қолында шоғырланбауына алып келді. Тіпті, ақсүйектердің бас көтеруінен қашқан парсы патшасы астананы Персепольдан Сузы қаласына да алмастырды. Сөйтіп, бірқатар шонжарларды орталық биліктен, мемлекеттік істерден шеттетті.

Армияда да I Дарий бірқатар әскери реформалар жүргізді. Ең алдымен патша армиясы қайта жасақталды. Патша армиясының өзегін тек парсылардан ғана жасақталған жаяу әскер мен атты әскер құрады. Басқа ұлттың әкілдеріне патша мен оның айналасындағылар көп сене қоймады. Бұлардан басқа, патша сауда жолдарының қауіпсіздігін қолға алды, сатраптардағы салық жүйесін жетілдірді (парсыларды салықтан босатты, т.б.), барлық сатраптар өндөлетін жер көлемі мен құнарлылығына қарай қазынаға 232200 кг-дай күміс өткізіп түрді. Мемлекетте біртұтас ақша жүйесі жасау мақсатында, «дарик» (салмағы 8,4 г.) шығарылды. Оны патша мәнет сарайы ғана шығарды. Құрамында алтын көп болғандықтан дарик ғасырлар бойы шығыс елдеріндегі сенімді ақша есебінде пайдаланылып келді.

Отандық тарихнама үшін I Дарий қалдырған сынна жазбалардың құны зор. Ғылыми айналымға түсісімен олардың әрқайсысы шетелдік зерттеушілер таралынан жан-жақты қарастырылып, өзіндік бағасын алуда. Бұлар, әрине, I Дарийдің өз жетістіктерін ғана емес, сонымен бірге сол замандардағы діни көзқарастарды, мемлекеттер атаяу мен тарихын, қоғамдық қатынастарды, саяси жағдайларды, салық жүйесі мен түрлі соғыстарды бізге жеткізген деректемелік кешен болып табылады. Көне парсы дереккөздерін зерттеуге Ж.Стев, Ф.Валл, В.Хинц, М.Майерхофер, Р.Кент, Дж.Кемерон, т.б. шетелдік ғалымдар орасан зор үлес қос-

қан болатын.

Ең алдымен «Қазақстан тарихында» I Дарий тасқа қашатып түсірген «Бехистун сына жазуына» ерекше мән беріледі. Оны кейбір ғалымдар б.з.б. 516 ж. көне парсы, әlam және бабыл тілдерінде жартасқа қашалып түсірілген деп есептейді. Көне замандардың білгір маманы М.А. Дандамаев бұл жа- зудың негізгі мәтіні (I-IV бағаналардағы көне парсы нұсқасы) б.з.б. 521 жылдың желтоқсанынан б.з.б. 518 жылдың кектеміне дейін жазылған деп пайымдайды. Ал, V-ші бағанаасы б.з.б. 518 ж. жазылуы мүмкін. V-ші бағана мағлұматтарын Ксеркс жазбаларымен өзара байланыстырып, сол заманда діни нағым-сенім үшін соғыстар болғандығын В.И. Абашев «Пятый столбец Бехистунской надписи Дария I и антидэвская надпись Ксеркса» атты мақаласында көрсетіп берген. Автор I Дарий сақтарға жорық жасағанда оларға өзі табынатын Ахура-Мазданы мойыннату үшін соғыс жариялаған деп есептейді. Ғалымдар арасында I Дарийдің скифтерге немесе сақтарға жасаған жорығының бағыты туралы сан алуан пікірлер бар. Олардың барлығы да болашакта бір ізге түсірілуі қажет.

Германиялық ғалым X. Лушей 1963 жылдан бастап Бехистунтауы мен оның төнірегінде қазба жұмыстарын жүргізіп, қосымша тың мәліметтер алған болатын. Ғалым 1968 ж. Тегеран мен Ширазда өткен Иран мәдениеті мен археологиясының V Халықаралық конгресінде Бехистун проблемасына арналған баяндамасында аталмыш жазу I Дарий патшаның көне парсы жазуын енгізгендігін айғақтайды деп көрсетеді. Қалай болғанда да, бұл әлі де зерттеуді қажет етеді.

Патша бұл сына жазуында өзі жеткен жетістігін былай деп баяндайды: «Дарий патша былай деп сейлейді: Мына жерлер менің билігіме өтіп, Ахура-Мазданың еркімен мен олардың патшасы болдым. Персия, Сузиана, Бабыл, Ассирия, Арабия; теніз жағасындағы Египет, Спарда, Иония, Мидия, Армения, Каппадокия, Парфия, Дрангиана, Ария, Хорез-

мия, Бактрия, Соғдиана, Гандары, сактар, саттагидтер, Арахозия, мактар. Барлығы жиырма үш аймақ. Олар маған алым-салық төледі және менің барлық бұйрықтарымды орындағы». Сондай-ақ, оның «мен сақтарға қарсы жорықта шықтым, жауымды өлтірдім, оны тұтқынға алдым. Маған қарсы Сакука (Сакука) көтеріліске шықты, мен оны тұтқындағым... сонаң кейін басқа көсем ...» деген сөздері сақталған. Бұдан біз сақтардың саяси тарихы жөнінде азды-кемді мағлұматтар ұшырастырамыз. Бұған қарап, сақтардың бір бөлігі парсылардың билігін мойындағанын анық, көреміз. Мұның өзі ұзақ уақытқа созылmasa керек.

Көне Қазақстан тарихына қатысты парсы деректерінің басым бөлігін қалдырыған I Дарий жазбалары басқа патшалардың жазбаларына қарағанда қатесіз тасқа қашалуымен ерекшеленеді. Жазулардың белгілі бір бөлігі табиғи күштер әсерінен өшүі, бүлінуі мүмкін. Бірақ оларда қате жоқ, десе де болады. Көпшілік жазбаларында құдайы Ахура-Маздаға үнемі мадақ айттылып отырады. I Дарий өзінің билікке келуін соның атымен тікелей байланыстырады. Мысалы, Суз қаласынан табылған I Дарий мүсініндегі сына жазбада былай делінген: «Бог велик Ахура-Мазда, который эту землю создал, который то небо создал, который человека создал, который благоденствие создал для человека, который Дария царем сделал...». Мұндай табынушылық патша мирасқорлары (Ксеркс, Артаксеркс II, т.б.) тараپынан өз жалғасын тапқан. Тіпті, Ксеркс сына жазулары түгелдей дерлік Дарийдің сөз мәтінін қайталайды, тек адам аттары мен шағын қосымша мағлұматтар қосылған. Дарий басқа құдайларды айтқанымен, есімдерін өз жазбаларында қолдана қоймайды. Есесіне Артаксеркс II жазбасында Ахура-Маздамен бірге Анахита мен Митра құдайларына да табынушылық байқалады. Бұл сол кездегі қоғамдағы діни өзгерістердің эволюциялық дамуын көрсетсе керек.

Қазақстан тарихының ежелгі беттеріне қосым-

ша материалдар алуға болатын дереккөздерінің бірі Персеполь қаласынан табылғансына жазбалар деуге болады. Археологтардың қажырлы еңбектерінің арқасында Персеполь қаласында жүргізілгендалалық ізденістер барысында сақта-раға қатысты мәліметтер табылған-ды. Оны «Персеполь жазуы» дейміз. Аталмыш жазу жоғарыда айтылған «Бехистунсына жазуымен» тікелей үндеседі. Мұнда да Дарий патша атынан жазылған бехистундық сөздер қайталаңады десе болады. Мәтінді өзгертпей орыс тілінде берер болсақ, Персеполь жазуында былай делінеді: «По воле Аура-Мазды (Ахура-Мазда) – вот те области, которыми я владел силой персидского народа, которые меня боялись и приносили мне дань: Сузиана, Мидия, Вавилония, Аравия, Ассирия, Египет, Армения, Спарда, ионийцы материевые и морские и провинции на восходе солнца – сагартии, Парфия, зараки (драниане), Ария, Бактрия, Согдиана, Хоразмия, саттагиды, Арахозия, Индия, Гандария, саки» (Древние авторы... 34-бет). Мәтіндегі сөздерде сақтар ең соңынан аталаңады. Сірә, Дарий патша оларды басқаларға қарағанда ең соңынан өзіне бағындырған болса керек. Бәлкім, сақтардың оған бағынуы ұзақ уақыт болмаған да шығар. Сақтар көтерілістерге шығып, олар мекендерген аудандар парсы патшасы үшін ең тынышсыз аймақтар болуы да ықтимал.

Сол замандардағы дәстүрге сай! Дарий өлмей тұрып өзіне сағана-там соқтырды. Археологтар Персеполь қаласына таяу жердегі Накши-Рүstem жартастарынан әсем де әспепті патшаның қабірханасын тауып, зерттеген. Мұндағы құлпытас-қа жазылған жазулар да (екі нұсқасы бар) патшаның өмірінде істеген әрекеттерін, қолжеткізгентабыстарын әлемге соңғы рет пашетті. Зерттеушілер накши-рүstemдік сына жазуды үш бөлікке бөледі. Бірінші – кіріспе. Онда Ахура-Маздаға мадақ айттылады. Екінші негізгі бөлімде патшаның өмірге деген көзқарастары, қоғамда орын алуы тиіс ад-

ми қатынастар, ізгілікті істер мен ақыл-парасаттылық, патшаның жеке басының қадір-қасиеттері, т.б. мәселелер жайында сөз өрбітіледі. Қорытынды бөлік бүратана халыққа арналған, мұнда патшаның кім екендігін біліп жүру керектігі көрсетілген.

Айта кететін бір жайт, ерте темір дәуіріндегі Қазақстан аумағында орналасқан көптеген қорымдардағы (Бесшатыр, Шілікті, т.б.) обалардан сан алуан дромос (дәліз) орындары анықталған. Фалымдардың көшілігі дромос ғұрыптық мәнде болды, олтасаттық беру үшін ғана пайдаланылды деп есептейді. Біздің ойымызша, ерте темір дәуіріндегі тайпалардың көшілігіндегі дромостар арқылы мәйіт жерленген болуы да мүмкін. Көне дәстүрге орай сақ-үйсін патшалары да өздеріне өлмей тұрып биік обалар үйсе керек. Кейіннен дромос арқылы өлік денесі оба ортасына қойылып, ауызы бекітілген. Мұндаі өлмей тұрып өзінің о дүниелік мекенін алдын ала дайындау ғұрпы біздің жыл санауымызға дейінгі көптеген халықтарда кездеседі. Мысалы, I Дарийдан басқа, қытайлықтарды алғаш рет біріктірген Цинь Шихуан (б.з.б. III f.), т.б. ірі археологиялық нысандардың иелерін айтуға болады.

Қорыта айтқанда, I Дарий патша қалдырыған азды-кемді мағлұматтардың ежелгі кезеңді қарастырған отандық тарихнама үшін маңызы зор болып табылады. Болашақта патша қалдырыған дереккөздерін антикалық авторлардың мәліметтерімен байланыстырып, өзара қатыстырығын анықтау қажет. Сондай-ақ, патша мирасқорларының (Ксеркс, т.б.) сына жазуларын да бір ізге түсіріп, топтастыру және басқа дерек көздерімен байланыстыру керектігі байқалып келеді. Мұндаі деректемелер жүйелеуді, ғылыми талдаудан өткізілуді қажет етеді. Сол себепті, ежелгі Қазақстан тарихына қатысты барлық парсы дереккөздерін шоғырландырған ізденістер болашақтың еншісіне қалып отыр.